



Indgået

12 DEC. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Inatsisartuni ilaasortaq,
Debora Kleist, Inuit Ataqtigiiit
/maani

Angerlarsimaffeqanngitsut pillugit § 37 naapertorlugu apeqquut 2017/253-imut akissut

08-12-2017
Sags nr.: 2017 - 26345
Dok. nr. 25694786

Asasara Debora Kleist

Inatsisartut suleriaasianni § 37 naapertorlugu angerlarsimaffeqanngitsut pillugit apeqquummut, 20. november 2017-imeersumut qujanaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquut 1:

Nunarput tamakkerlugu angerlarsimaffeqanngitsunut angerlarsimaffiugallartussanik sanaartornissaq pillugu suliaq sumut killippa?

Akissut:

Maannakkut Namminersorlutik Oqartussat tungaanniit nuna tamakkerlugu angerlarsimaffeqanngitsunut angerlarsimaffiugallartussanik sanaartornernik aallartitsisoqarsimangilaq. Angerlarsimaffeqanngitsunut angerlarsimaffiugallartussanik sanaartorneq kommunit susassaqarfigaat aammalu AI 2018-imi aningaasanik siunertamut tassunga immikkoortitsisoqarsimangilaq.

Apeqquut 2:

Inatsisartut ataatsimiineranni UKA 2016/44-mut tunngatillugu, Naalakkersuisut UKA 2017-imut saqqummiussinissamut akuerineqarnikkuusoq qanoq piniarneqarpa?

Akissut:

UKA 2016/44-p suliarineqarnerani Namminersorlutik Oqartussat inissiaataannut attartortittakkanut pilersaarutit 2017-imi qaammatit siulliit pingasut ingerlaneranni naammassinissaat, tamatumalu kingorna inissiat attartortittakkat kommunimut tunniunneqarnissaat pillugu isumaqatiginninniarnertit aallartinnissaat naatsorsuutigineqarsimavoq. Taamaattorli Namminersorlutik Oqartussat inissiaataannut attartortittakkanut pilersaarutit kinguaattuulaarsimapput maannalu naammassingajalerlutik. Illoqarfiit ilaanni ilaatigut attartortitsisarnerup ajornakusoornera peqqutigalugu inissiat sinneqartut paasineqarpoq.

Kommunit inissiaataannut attartortittakkanut pilersaarutit aammattaaq kommuninit ingerlanneqarput. Taakku naammassinineqariarpata kommunit Namminersorlutik Oqartussat inissiaataannik attartortittakkanik tunniussinermut atatillugu inissiat arlaat aserfallatsaalineqassanersut, iluarsaanneqassanersut isaterneqassanersulluunniit tulleriaarinikkut allattuisinnaalissapput.

Apeqquut 3:


Suli saqqummiunneqarnissaa Naalackersuisut pilersaarutigaat?

Akissut:

Namminersorlutik Oqartussat kommunillu inissiaataannut attartortittakkanut pilersaarutit naammassineqariarpata, inissiat pigineqartut sinneqarnersut amigarnersulluunniit paasinarsissaaq. Kommunit suleqatigalugit inissianik attartortittakkanik angerlarsimaffeqanngitsunut angerlarsimaffiugallartussanut allannguisoqarsinnaanersoq naliliiffiqineqartariaqarpoq. Tamannali immikkoortunut pilersaarutit naammassineqartinnagit aammalu inissianik attartortittakkanik tunniussinissamut isumaqatiginninniarnertit naammassineqartinnagit pisinnaangilaq. Kommunit angerlarsimaffeqanngitsunut angerlarsimaffiugallartussanik peqalernerminni ingerlatsinermut aserfallatsaaliuinermilu aningaasartuutitut akiliisussanngortussaanerat tamatumunnga peqquataavoq.

Neriuppunga qulaani allaqqasuni apeqquutitit akineqartut.

Inussiarnersumik inuulluaqqusillunga



Erik Jensen